

# K a s d è i n è s p a m u o k a s

## 1. Ēstuorējē

So kuožno rīto  
keliuonē prasided.  
So kuožna dēina  
tēsas be gala.

So kuožno vakaro  
pabonguos lauki,  
Saulē krintont  
Ē debesū patēlus.

Ēlgē tēi takā,  
katrās rēk ētē.  
Sunkē tēi žuodē –  
nepasakītē...

Gali a negali –  
Rēk tuo ēštvertē:  
vakar žīdiejom –  
šēndēin...sovītē.

## 2. Aritmetika

Kuožna dēina  
prē savēs prided.

Kuožna dēina  
ēš savēs atem.

Po vēina,  
po vēina,  
po vēina...

Ē tēp –  
no nūlē lig nūlē.  
Tuokē tasgaties īr  
gīvenēma aritmetika.

## 3. Gimtuoji kalba

Ešmuokst vākā pērma žuodi  
(tonkiausē „mama“).

Paskiau ontra ė trieti  
Ė sāsivėnėnius raša.

Pasėpėl pavadėnėmā,  
reikšmės anū vėsuokės:  
ledā, „cukerkas“,  
Jūratė, „alkohuolis“...

Kartās tavi atrond  
skausmos, kėntiejėmā baisė,  
kartās pats ėiškā  
sava dūšė vaista.

Arba baisė mitrė,  
aba kuojė ož kuojės  
Prėeiti sava gala  
Tėp paskotėnė žuodė ė neėšmuokės.

#### **4. Geometrėjė**

Tilė žėimuos peizažā,  
džiaugsmā paukštiu laukėma. –  
Šėrdės ne vėina daužuos  
kāp musielie vuora tinklė ėkrėtusi.

Ėt vėsuom pusiem takās,  
bieg paskou sava lėkėma. –  
Bet vėsė sositink tik kapūs,  
nuors ėr apsimet, kad tuo nežėna.

Tošti galva ė ratā:  
kū pasėdiejė – nelėka,  
tik kompė nomīniuotė batā,  
bėt i tėti jau nu kuoju atlėkė.

Ėš vėsa tuo aiškė matuos:  
gīvenėma trasa ėr apskrėtėmūs.